



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 4. Intravit autem Satanas in Iudam qui cognominabatur Iscariotes vnum
de duodecim. v. 3.

urn:nbn:de:hbz:466:1-45549

ne quandoque reuelentur peccata mea grauia & confundat coram omni populo Dei. Tu Iesu potentissime qui dixisti qua hora conuersus fuerit peccator omnium iniuratum eius non recordabor, da gratiam ut in reuelatione illa extrema iudicij non confundar. Timeam nunc, ut non timeam tunc.

§. 4. Intradit ausem Satanus in Iudam qui cognominabatur Iscaristes vnum de duodecim. v. 3.

Quia miserat diabolus iam sagittas avaritiae & impietatis in cor Iudea, quas improbus acceptauerat tanquam sibi conuenientes, dato consensu iam intravit Satanus in cor Iudea. Iscariotam autem nominat Euangelista cum ut ab altero eo que sancto Iuda Thaddeo illum separet velut scabiosam ouem à sana, ne huic affricetur illius languor: Ischariotes autem dictus videtur ab oppido Ischarioth quod erat in tribu Ephraim, ut loquitur S. Hieron. vnum de duodecim, insinuando si inter duodecim Apostolorum unus inuentus reprobis, sequens diaboli suggestiones, sanè nobis in timore standum est continuo & vigiliam dum ne incautos circumueniat, & ad lapsum similes inducar de quibus auertas nos omnipotens in cuius fide & custodia stamus vermiculi terrae nescientes an odio vel amore digni simus.

*O*mnipotens & misericors Deus vniuersa nobis aduersantia propitiatus exclude, ut mente & corpore pariter expediti quæ tua sunt liberis mentibus exequamur; sed & mentes nostras in prædestinatione tua examinando compesce, ut contenti agere bene, tua iudicia, cur hic stet, alter cadat non examinemus, scientes te esse & patrem misericordiarum, & iudicem iustum.

§. 5. Et abiit & locutus est cum principibus Sacerdotum & Magistratibus quemadmodum traderet illum. v. 4.

Pessus à diabolo scilicet Iudas Ischariotes recessit tacens de Bethania, & venit Hierusalem ad concilium in domo Caiphæ, discipuli autem alij manserunt cum Christo in Bethania, non scientes quid Iudas malicius intenderet, quia cum procurator Collegii esset, simpliciter credebat quod ex officio Hierusalem festinaret ut saepius fecerat. Hac vice tamen falso & insidioso gressus direxit in Hierusalem, ut faceret mercantiam pessimam scilicet ut venderet Christum Dominum suum. Et cum intrasset locum ubi erant omnes persecutores Christi in concilio congregati, locutus est cum Principibus Sacerdotum, & Magistratibus quemadmodum vellit tradere eum illis pacta pecunia & pretio, dicens, quid vultis mihi da-

re &c